

**BASES REGULADORAS DA CONVOCATORIA DE AXUDAS INDIVIDUAIS PARA A PROMOCIÓN DA AUTONOMÍA PERSOAL, A MELLORA DA ACCESIBILIDADE E O APOIO AO RESPIRO FAMILIAR.**

**ANUNCIO**

De conformidade co previsto no artigo 9.3 da Lei 38/2003, de 17 de novembro, xeral de subvencións, publícanse as bases reguladoras da convocatoria de axudas individuais para a promoción da autonomía persoal, a mellora da accesibilidade e o apoio ao respiro familiar. Convocatoria ano 2026

**1. DISPOSICIÓNS XERAIS**

No BOP oficial da Coruña número 64 de 6 do abril de 2026 publicáronse as bases reguladoras do plan provincial de cooperación ás obras e servizos de competencia municipal (plan único de concellos) POS+ ADICIONAL 1/2026 para gastos sociais extraordinarios do exercicio 2026. Na base 12 regúlase a elaboración, aprobación e execución do POS+ADICIONAL 1/2026 para gastos sociais extraordinarios.

O pleno da corporación do concello de Ribeira, na sesión extraordinaria realizada o día 12 de xaneiro de 2026, adoptou, entre outros, o acordo de participar no plan provincial de cooperación ás obras e servizos de competencia municipal (plan único de concellos) “pos+ adicional 1/2026” da DEPUTACIÓN PROVINCIAL DA CORUÑA para o financiamento de gastos sociais extraordinarios, aceptar a totalidade das súas bases, e solicitar a aplicación da achega provincial asignada aos gastos sociais, por un total de 153.627,51 € dos cales un total de 35.000 € se destinan a esta liña de axudas *individuais destinadas á promoción da autonomía persoal e a mellora da accesibilidade.*

Co obxectivo de contribuír á mellora da calidade de vida das persoas beneficiarias, convócanse axudas individuais destinadas á adquisición de produtos de apoio, á realización de adaptacións no fogar e ao fomento do respiro familiar das persoas cuidadoras.

A pesar da moderación da inflación nos últimos meses, o aumento sostido do custo da vida e o encarecemento da vivenda, da enerxía e dos produtos básicos continúan afectando a moitas familias en España, reducindo a súa capacidade económica. Esta realidade impacta de maneira especial nas persoas maiores e naquelas que presentan limitacións na súa autonomía, que en numerosos casos deben destinar unha parte importante das súas pensións ao sostemento familiar, adiando ou limitando gastos necesarios para garantir a súa independencia persoal e benestar.

## 2. OBXECTO E FINALIDADE

O obxecto destas bases é establecer procedementos e criterios para a concesión de axudas económicas de carácter non periódicas de acordo cos principios de obxectividade, igualdade, concorrencia e publicidade e que son os contemplados nos apartados b) e g) do POS + ADICIONAL 1/2026. O seu obxectivo é garantir a equidade, a transparencia e o apoio directo á veciñanza vulnerable promovese esta convocatoria de axudas individuais en réxime de concorrencia competitiva, de carácter non periódico, para persoas en situación de dependencia ou/e discapacidade, empadroadas non Concello de Ribeira.

A finalidade destas axudas é a de colaborar en determinados gastos, con efectos dende o 1 de xaneiro de 2026, destinados a:

- Apoiar á persoa con axudas técnicas ou produtos de apoio, para o normal desenvolvemento da vida diaria.
- Facilitar adaptacións funcionais do fogar e a eliminación de barreiras arquitectónicas e de comunicación no interior da vivenda e no exterior sempre que a zona onde se realice a actuación sexa de carácter privativo, que contribúan a mellorar a autonomía persoa e a previr situacións de dependencia maiores, así como mellorar a súa accesibilidade.
- Adquisición de próteses dentais e audiófonos ao obxecto de compensar as limitacións funcionais.
- Fomentar o respiro familiar dos familiares que prestan coidados a persoas con dependencia ou discapacidade, nas seguintes modalidades: respiro en Residencia, en Centro de Día, ou co Servizo de Axuda no Fogar.

## 3. CUSTOS SUBVENCIONABLES.TIPOS E CUANTIAS

Esta convocatoria subvenciona as seguintes actuacións: prestacións sociais en materia de gastos sociais na atención a situacións de dependencia e medidas de apoios a persoas con diversidade funcional:

### ❖ **LIÑA 1: AXUDAS INDIVIDUAIS DESTINADAS Á PROMOCIÓN DA AUTONOMÍA PERSOAL E A MELLORA DA ACCESIBILIDADE.**

**CONCEPTO 1.1. Adaptación funcional do fogar e supresión de barreiras arquitectónicas e de comunicación da vivenda.** Entenderase por isto a adquisición, instalación e adaptación de mecanismos e útiles necesarios para procurar a maior autonomía posible nas actividades da vida diaria na vivenda habitual da persoa en

situación de dependencia, así como a supresión de calquera impedimento ou obstáculo que limite ou impida o acceso, a liberdade de movemento, a estancia e a circulación das persoas con mobilidade reducida, a comunicación sensorial ou calquera outra limitación.

Contía máxima subvencionable: 2000 €

**CONCEPTO 1.2. Adquisición de próteses dentais e/ou audiófonos**, non previstos no sistema sanitario. Non poderán optar a estas axudas para audiófonos as persoas menores de 16 anos, ao ser unha prestación cuberta polo sistema sanitario.

Contía máxima subvencionable:

- Próteses dentais: 500€
- Audiófonos: 800€

**CONCEPTO 1.3. Adquisición e alugueiro de axudas técnicas ou produtos de apoio de uso persoal é intransferible.** Enténdese por isto calquera produto, dispositivo, equipamento, instrumento fabricado especialmente ou dispoñible no mercado, para prever, compensar, controlar, mitigar ou neutralizar deficiencias ou limitacións nas actividades da vida diaria. No anexo III relaciónanse todos os produtos obxecto de subvención.

Contía máxima subvencionable: 1.500€.

*O IMPORTE MAXIMO destinado a liña 1" axudas individuais destinadas á promoción da autonomía persoal e a mellora da accesibilidade" será de : 25.000€ partida orzamentaria 231A 48003*

❖ **LIÑA 2: SERVIZOS PARA O RESPIRO E A CONCILIACIÓN FAMILIAR A UNIDADES DE CONVIVENCIA**

Axudas económicas para respiro familiar nas seguintes modalidades:

Conceptos:

- **Respiro en Residencia:** a axuda consistirá nunha achega económica para contribuír ao pagamento dun servizo de atención residencial, de forma temporal, para persoas en situación de dependencia ou con discapacidade recoñecida, ou solicitadas antes da data sinalada.

Contía máxima subvencionable para Centro Residencial: 1.500 €/beneficiarios/ano

- **Respiro en Centro de Día:** a axuda consistirá nunha achega económica para contribuír ao pagamento do servizo de atención nun centro de día, de forma temporal.

Contía máxima subvencionable para Centro de Día: 1.000 € /beneficiario/ano.

- **Respiro Servizo de Axuda no Fogar:** a axuda consistirá nunha achega económica para contribuír ao pagamento do servizo de atención a domicilio a persoas dependentes ou con discapacidade, que non desfruten do mesmo recurso público no momento da solicitude, do sistema de Atención á Dependencia da Xunta de Galicia (Lei de dependencia 39/2006) e normativa aplicable posterior.

Contía máxima subvencionable para o Servizo de Axuda no Fogar: 1.000 € /beneficiario/ano.

Nas tres modalidades establecidas, os servizos deberán ser prestados por entidades autorizadas e inscritas no RUEPSS.

O IMPORTE MAXIMO destinado a liña 2 “servizos para o respiro e a conciliación familiar a unidades de convivencia”: 10.000€ partidas orzamentaria nº 231A 48001

Nesta convocatoria de subvencións, o importe da axuda non será superior ao 80 % do total do gasto acreditado sen que en ningún caso esta contía exceda dos límites establecido para cada concepto.

#### 4. FINANCIAMENTO

Concederanse as presentes axudas ata o límite orzamentario de 35.000 € consignados nas partidas seguintes : partida nº 231A 48003 para a liña de liña 1: AXUDAS INDIVIDUAIS DESTINADAS Á PROMOCIÓN DA AUTONOMÍA PERSOAL E A MELLORA DA ACCESIBILIDADE e Liña 2 partida orzamentaria nº 231A 48001 para axudas económicas de *SERVIZOS PARA O RESPIRO E A CONCILIACIÓN FAMILIAR A UNIDADES DE CONVIVENCIA* ambas modalidades destinadas para tal fin no Orzamento Xeral do Concello de Ribeira para o ano 2026. De verse superada esta contía na valoración das solicitudes, daráselle prioridade á concesión de axudas as unidades familiares que contén con menos recursos.

## 5. SOLICITANTES

Poderán ser beneficiarias destas axudas aquelas persoas que teñan recoñecida a situación de dependencia e/ou discapacidade ou a teñan solicitada con anterioridade a apertura do prazo de solicitude destas axudas e que acrediten a necesidade das actuacións solicitadas.

No caso das axudas para a adquisición de próteses dentais e auditivas, non será esixencia o expresado no parágrafo anterior, sempre que cumpran os 65 anos de idade no presente ano 2026.

Os/as solicitantes deberán reunir os seguintes requisitos:

- a) Estar empadroado/a e ter residencia efectiva no Concello de Ribeira durante 6 meses inmediatamente anteriores e continuados á data da presentación da solicitude.
- b) Que a renda per cápita da unidade de convivencia da que forma parte a persoa solicitante non supere o 125% do IPREM vixente para o ano 2026, incluídas as pagas extraordinarias, cando estea composta por tres ou máis membros. Este límite será do 150% do IPREM no caso de unidades de dous membros e do 175% cando estean formadas por unha única persoa.

Considérase unidade de convivencia (UC) o conxunto de persoas que convivan no mesmo domicilio e manteñan con respecto á persoa solicitante un vínculo por matrimonio ou análoga relación estable por adopción ou acollemento, ou por parentesco de consanguinidade ou afinidade ata o cuarto e segundo grao, respectivamente.

## 6. TRAMITACIÓN

- As solicitudes segundo o modelo oficial que figura como Anexo I presentaranse preferentemente de xeito telemático a través da sede electrónica municipal ou por medio das formas previstas no artigo 16.4 da Lei 39/2015, do 1 de outubro, de procedemento administrativo común das administracións públicas.

Para a vía presencial requírese cita previa chamando ao Departamento de Servizos Sociais do Concello no 981874131 en horario de 09:00 a 14:00h.

- Documentación que se deberá anexar á solicitude:

· Fotocopia do DNI do membro da unidade de convivencia para quen se solicita a axuda.

- Fotocopia da Declaración da Renda das Persoas Físicas de todos os membros da unidade de convivencia correspondente ao último exercicio fiscal. De non tela presentado, autorización ao concello para obter datos da AEAT (Anexo II).
- No caso de non dispoñer de datos fiscais, certificado anual dos ingresos percibidos no ano 2025 expedido polo organismo correspondente, das pensións da Seguridade Social, subsidio de desemprego, RISGA ou calquera outra prestación pública que se estea a percibir por calquera dos membros da unidade familiar.
- Certificado de empadramento da unidade de convivencia. De non telo presentado, autorización ao concello para obter os datos do Padrón (Anexo II). En caso de non coincidencia nos membros inscritos na mesma folia patronal cos que realmente conviven, informe da policía local de convivencia real e efectiva.
- Certificado de discapacidade e/ou dependencia.
- Informe de saúde que acredite a necesidade da actuación solicitada.
- Orzamento das obras, das axudas técnicas ou produtos de apoio solicitados.
- Autorización do propietario da vivenda para realizar a actuación en caso de vivendas de alugueiro.
- No caso de adaptación funcional do fogar e/ou eliminación de barreiras arquitectónicas na vivenda, solicitude de licenza municipal, memoria descritiva da obra ou, no caso de ser necesario, proxecto técnico.
- Para o efecto das axudas de eliminación de barreiras arquitectónicas, estas poden estar suxeitas á comprobación previa da necesidade destas, por parte do persoal técnico de Servizos Sociais.
- Declaración de estar ao corrente do pago en Facenda, Seguridade Social e ATRIGA.
- Declaración xurada de non ter percibido axudas doutros organismos para o mesmo concepto.
- Orzamento do servizo para o que se solicita o respiro familiar, por unha empresa autorizada polo RUEPSS.
  - Publicidade e prazo de presentación: a publicación destas bases e a resolución das axudas realizarase na páxina web do Concello de Ribeira e no Boletín Oficial da Provincia da Coruña.

- O prazo de presentación de solicitudes será de 2 meses, contando dende o día seguinte á publicación oficial do extracto da convocatoria no Boletín Oficial da Provincia. O dito prazo será publicado na páxina web do Concello de Ribeira.

## **7. ENMENDA DE ERROS**

Se a solicitude non reunira os requisitos establecidos nesta orde, a persoa interesada será requirida polo órgano instrutor do procedemento, para que no prazo de dez (10) días hábiles, contados a partir do día seguinte á recepción do dito requirimento, achegue a documentación necesaria ou emende os defectos observados, coa indicación de que, se non o fixese, considerarase que desiste na súa petición e arquivarase o expediente sen máis trámite.

## **8. CRITERIOS PARA A RESOLUCIÓN DO PROCEDEMENTO.**

Existirá unha comisión de valoración que examinará e valorará todas as solicitudes recibidas, en base os criterios establecidos no ANEXO IV da presente convocatoria, tendo en conta as seguintes cuestións:

- Determinación da situación económica da persoa beneficiaria. Calcularase a renda per cápita da unidade de convivencia da que forma parte o/a interesado/a, sumando os ingresos de todos os membros computables e dividindo o resultado polo número destes. A estes efectos, teranse en conta as declaracións do IRPF correspondentes ao último exercicio fiscal, sumarase a base imponible xeral (recadro 435) e a base imponible do aforro (recadro 460). En caso de pensións ou prestacións que estiveran exentas da tributación do IRPF, tomaranse as relativas ao exercicio 2025.
- Non se terán en conta como ingresos, os que poida percibir a persoa beneficiaria que proveñan das prestacións económicas do Sistema para a Autonomía e Atención á Dependencia, que teñan por finalidade a adquisición dun servizo ou cuidados no contorno.
- Só se poderá conceder, con cargo a esta convocatoria, unha axuda por unidade de convivencia.
- No caso de que a actuación subvencionable fora susceptible de ser empregada por unha ou máis persoas que convivan no mesmo domicilio, só se concederá unha única axuda da mesma natureza.
- Non se concederá axuda de eliminación de barreiras no acceso ao interior do fogar cuxa instalación se corresponda con zonas ou instalacións comunitarias e/ou de uso público.

- Serán incompatibles con axudas recibidas no ano anterior polo mesmo concepto.

## **9. PROCEDEMENTO DE CONCESIÓN DAS AXUDAS**

O procedemento de concesión das subvencións tramítase en réxime de concorrencia competitiva. O órgano competente para resolver é a Xunta de Goberno Local.

Finalizado o prazo de presentación de solicitudes, levarase a cabo a instrución do procedemento, realizando de oficio cantas actuacións estime necesarias para a determinación, coñecemento e comprobación dos datos en virtude dos cales debe formularse a proposta de resolución.

Deste xeito, unha vez avaliadas as solicitudes, a comisión avaliadora emitirá informe no que se concrete o resultado da avaliación efectuada.

O órgano instrutor, á vista do expediente e do Informe da Comisión avaliadora, formulará a proposta de resolución provisional debidamente motivada, que deberá notificarse ás persoas interesadas, en cumprimento do réxime de notificacións previsto nos artigos 40 a 46 da Lei 39/2015, de 1 de outubro, do procedemento administrativo común das administracións públicas, e concederá un prazo de dez días para presentar alegacións.

A proposta de resolución expresará a relación de solicitantes para quen se propón a concesión da subvención e a súa contía, especificando a puntuación obtida e os criterios de valoración seguidos para efectualas, así como a proposta de desestimación fundamentada do resto de solicitudes.

Os beneficiarios propostos deberán acreditar con anterioridade a ditarse a proposta de resolución definitiva de concesión da subvención, os certificados de que se hacha ao corrente no cumprimento das súas obrigacións tributarias e fronte á Seguridade Social, na forma en que se determine regulamentariamente.

Examinadas as alegacións aducidas no seu caso polos interesados, formularase a proposta de resolución definitiva, que deberá expresar o solicitante ou a relación de solicitantes para os que se propón a concesión da subvención, e a súa contía, especificando a súa avaliación e, no seu caso, os criterios de valoración seguidos para efectualas.

A Comisión avaliadora que estará formada polos seguintes membros:

- Presidente: Concelleiro/a delegado de servizos sociais.

- Secretaria: María Francisca Vidal Regueira, coordinadora dos servizos sociais municipais.

- Vogais:

-María Jesús López Domínguez, traballadora social

-Marta Álvarez González, traballadora social

Para constituír validamente a Comisión deberán concorrer, polo menos, tres dos seus membros. O informe da Comisión deberá ser adoptado co voto favorable da maioría simple dos membros asistentes á sesión. En caso de empate, decide o voto de calidade do presidente. A secretaria da Comisión actuará con voz pero sen voto.

O órgano instrutor será a unidade de Servizos Sociais municipais ou a/o funcionaria/o en quen delegue. O instrutor poderá realizar de oficio as actuacións que xulgue necesarias para determinar, coñecer e comprobar os datos en virtude dos que se ditará a proposta de resolución.

A resolución da Xunta de Goberno Local notificaráselle ás persoas interesadas coa advertencia de que no prazo de dez (10) días deberán comunicar se aceptan ou renuncian á subvención concedida. Transcorrido ese prazo sen manifestación expresa das persoas beneficiarias, a subvención entenderase aceptada tacitamente e publicarase na páxina web do Concello a relación de subvencións concedidas e denegadas.

O prazo máximo para ditar e notificar ás persoas interesadas a resolución expresa será de tres (3) meses, contados desde o día seguinte á finalización do prazo de presentación de solicitudes.

A resolución da concesión determinará o importe da axuda concedida, dentro dos límites establecidos. A dita resolución poñerá fin á vía administrativa, polo que na notificación aos beneficiarios constará o réxime de recursos procedentes, consonte co establecido na Lei 39/2015, do 1 de outubro, de procedemento administrativo.

Estas axudas son compatibles con calquera outra solicitada e/ou concedida para a mesma finalidade, sempre que a suma das axudas concedidas non sexa superior ao custo da actuación solicitada. Neste caso reducirase a axuda proporcionalmente ata que se iguale o importe total da actuación.

Calquera alteración imputable aos beneficiarios/as que dese lugar a unha desviación do destino da axuda concedida polo Concello, dará lugar ao réxime sancionador

establecido no artigo 82 da Lei xeral orzamentaria, e as sancións a que dese lugar serán acordadas e impostas pola Xunta de Goberno Municipal.

## **10. XUSTIFICACIÓN E PAGAMENTO DA AXUDA**

A persoa beneficiaria deberá ter realizadas e xustificadas as actuacións que fosen obxecto da axuda nos dous (2) meses seguintes á notificación da resolución favorable, porén, poderá solicitar a ampliación do prazo de xustificación por circunstancias debidamente acreditadas, sen que en ningún caso poida exceder do 30 de novembro de 2026.

Os gastos acreditaranse mediante facturas e demais documentos de valor probatorio equivalente con validez no tráfico xurídico mercantil. Así mesmo, a efectos da súa consideración como subvencionable, considerarase efectivamente pagado o gasto, cando se xustifique o pago mediante extractos ou certificacións bancarias debidamente identificadas.

No momento da xustificación a persoa beneficiaria deberá presentar unha declaración complementaria do conxunto de axudas solicitadas, tanto das aprobadas como das pendentes de resolución, segundo o anexo V desta convocatoria.

Transcorrido o prazo de xustificación establecido sen tela presentado, procederase á solicitude de reintegro da subvención, consonte co establecido na Lei 38/2003, xeral de subvencións, sen prexuízo de posterior tramitación do expediente sancionador previsto na dita norma.

Dado o carácter social das axudas previstas, o Concello de Ribeira aboará a subvención na modalidade de pago anticipado unha vez notificada e publicada a relación de beneficiarios. Para tal fin, os beneficiarios xustificarán estar ao corrente nas súas obrigas tributarias mediante declaración responsable, segundo o anexo VI desta convocatoria.

## **11. OBRIGAS DOS BENEFICIARIOS**

Son obrigas dos beneficiarios/as as seguintes:

1. Realizar as actuacións que motiva a concesión da subvención.
2. Xustificar o cumprimento dos requisitos e condicións que determinan a concesión da subvención.

3. Someterse ás actuacións de comprobación do concello, así como calquera outras de comprobación e control financeiro dos órganos competentes do concello, nacionais ou comunitarios, e achegar a información que lle requiran no exercicio das actuacións anteriores.
4. Comunicarlle ao concello de Ribeira se obtiveron outras axudas, ingresos ou recursos que financien as actividades subvencionadas cando coñeza esa circunstancia e, en todo caso, con anterioridade á xustificación da aplicación que lles deu aos fondos percibidos.
5. Conservar os documentos xustificativos dos fondos recibidos.
6. Estar ao corrente nas súas obrigas fiscais e tributarias, coa AEAT e coa ATRIGA. Esta acreditación presentarse xunto coa restante documentación xustificativa prevista no apartado 10.

## **12.PROTECCIÓN DE DATOS**

O responsable responsable do tratamento dos datos que consten no expediente de convocatoria destas axudas é o Concello de Ribeira. Os datos serán tratados coa finalidade específica das axudas desta convocatoria, de conformidade coa regulación establecida pola Lei orgánica 3/2018, de 5 de decembro, de protección de datos persoais e garantía dos dereitos dixitais e demais disposicións de aplicación. A lexitimación do tratamento está baseada no consentimento manifestado coa solicitude de participación das persoas interesadas nesta convocatoria de axudas. O prazo de conservación dos datos dependerá do especificado para cada tratamento de datos persoais ou os que legalmente sexan de obrigado cumprimento.

Os datos solicitados unicamente serán obxecto de cesión, no seu caso, previo consentimento da persoa interesada ou de acordo co previsto na citada lexislación.

As persoas cuxos datos persoais sexan tratados polo Concello de Ribeira poderán exercitar os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfiles, na forma prevista na lexislación vixente sobre a materia, ante o órgano responsable do tratamento dos datos (Concello de Ribeira).

## **DISPOSICIÓN FINAL**

Para todas as cuestións non previstas nestas bases será de aplicación o establecido na Lei 38/2003, de 17 de novembro, xeral de subvencións.

**ANEXO I**

**CONVOCATORIA DE AXUDAS INDIVIDUAIS DESTINADAS Á PROMOCIÓN DA AUTONOMÍA PERSOAL E A ACCESIBILIDADE**

SOLICITUDE DE SUBVENCIÓN DATOS DA PERSOA SOLICITANTE

NOME E APELIDOS			
DNI			
ENDEREZO			
LOCALIDADE			
TELÉFONO		Enderezo electrónico:	
E, NA SÚA REPRESENTACIÓN (deberá acreditarse a representación fidedigna por calquera medio válido en dereito)			
NOME E APELIDOS			DNI
DATOS BANCARIOS			
Declaro, baixo a miña responsabilidade, que son certos os datos consignados relativos á conta bancaria indicada. TITULAR DA CONTA      NÚMERO DE CONTA BANCARIA (24 DÍXITOS)			
	IBAN		
Tendo coñecemento da liña de axudas convocada polo Concello de Ribeira para promoción da autonomía persoal e a accesibilidade SOLICITO, ao abeiro desta, a concesión dunha achega económica para os gastos que se indican:			
TIPO DE ACTUACIÓN AO QUE SE VINCULA Á AXUDA SOLICITADA			
OPCIÓN	ACTUACIÓN	DESCRICIÓN	ORZAMENTO
	Adaptación funcional do fogar e supresión de barreiras arquitectónicas e de comunicación no interior da vivenda e de acceso exterior.		
	Adquisición de próteses dentais e/ou audiófonos, non previstos no sistema sanitario		
	Adquisición de axudas técnicas ou produtos de apoio.		

**A PERSOA SOLICITANTE OU REPRESENTANTE DECLARA**

Non solicitou nin se lle concedeu NINGUNHA prestación de calquera administración pública ou ente público para a mesma finalidade para que a que solicita nesta convocatoria.

Solicitou as prestacións que seguidamente se relacionan, para a mesma finalidade que a que solicita en

ORGANISMO	DESCRICIÓN	CONTÍA SOLICITADA

Concedéronlle as prestacións que seguidamente se relacionan, para a mesma finalidade que a que solicita nesta convocatoria.

ORGANISMO	DESCRICIÓN	CONTÍA SOLICITADA

**Documentación que se achega co modelo de solicitude:**

- Fotocopia do DNI do membro da unidade de convivencia para quen se solicita a axuda.
- Fotocopia da Declaración da Renda das Persoas Físicas de todos os membros da unidade de convivencia correspondente ao último exercicio fiscal. De non tela presentado autorización ao concello para obter datos da AEAT. No caso de non dispoñer de datos fiscais, certificado anual dos ingresos percibidos no ano 2026 expedido polo organismo correspondente, das pensións da Seguridade social, subsidio de desemprego, RISGA ou calquera outra prestación pública que se estea a percibir por calquera dos membros da unidade familiar.
- De non autorizar consulta, xustificante de empadramento da unidade de convivencia.
- Certificado de discapacidade e/ou dependencia ou xustificante de telos solicitado.
- Informe de saúde/valoración de grao de dependencia ou valoración de discapacidade que acredite a necesidade da actuación solicitada.
- Orzamento das obras, das axudas técnicas ou produtos de apoio solicitados.

- Autorización do propietario da vivenda para realizar a actuación en caso de vivendas de alugueiro.
- No caso de adaptación funcional do fogar e/ou eliminación de barreiras arquitectónicas na vivenda, solicitude de licenza municipal, memoria descritiva da obra ou no caso de ser necesario proxecto técnico.

En Ribeira, de de 2026.

O/a solicitante ou /representante legal

A ALCALDESA-PRESIDENTA DO CONCELLO DE RIBEIRA

**ANEXO II**

<b>AUTORIZACIÓN DAS PERSOAS QUE INTEGRAN A UNIDADE FAMILIAR</b>						
<b>(AXUDAS INDIVIDUAIS DESTINADAS Á PROMOCIÓN DA AUTONOMÍA PERSOAL E A ACCESIBILIDADE)</b>						
NOME E APELIDOS	NIF	MENOR DE IDADE	TITOR E/OU REPRESENTANTE LEGAL		COMPROBACIÓN DE DATOS Os seguintes datos das persoas interesadas serán obxecto de consulta ás administracións públicas	SINATURA
			NOME APELIDOS	NIF		
					Certificado de residencia colectiva ou informe da policía local de convivencia real e efectiva	
					Certificado de residencia colectiva ou informe da policía local de convivencia	
					Certificado de residencia colectiva ou informe da policía local de convivencia	
					Certificado de residencia colectiva ou informe da policía local de convivencia	
					Certificado de residencia colectiva ou informe da policía local de convivencia	

### ANEXO III

#### PRODUTOS DE APOIO OU AXUDAS TÉCNICAS SUBVENCIONABLES

- 1) PARA O ASEO E HIXIENE PERSOAL:
  - ❖ Para evacuación:
    - Cadeira para váter
    - Alza ou asentos para inodoro
  - ❖ Para baño e ducha:
    - Padiola para baño e ducha antiesvarante e ergonómicas.
    - Ducha para a cama
    - Cadeira de baño e ducha
- 2) PARA A ALIMENTACIÓN:
  - Cubertos adaptados
  - Mesa regulable ou adaptada para cadeira
- 3) PARA A MOBILIDADE, POSICIONAMENTO E PROTECCIÓN PERSOAL:
  - ❖ Mobilidade Persoal
    - Adaptacións de acceso ao vehículo
    - Camas articulada con carro elevador
    - Guindastres transferencia eléctricas
    - Guindastres de mobilización de persoas
    - Arneses para guindastres
    - Somier articulado
    - Coxín ou almofada antiescaras
    - Asento xiratorio.
    - Colchón antiescaras.
  - ❖ Mobilidade vertical:
    - Plataforma para subir escaleiras
    - Plataforma con raíl
    - Cadeira salva escaleiras
  - ❖ Posicionamento:
    - Táboas e discos de transferencia
    - Coxín e saba para xirar
    - Chalecos e cintos de protección
- 4) PARA PROTECCIÓN PERSOAL:
  - Colchón antiescaras.
  - Cintos de suxeición

- 5) AXUDAS PARA A COMUNICACIÓN:
  - Axudas técnicas para lectura e escritura
  - Comunicación aumentativa e alternativa
- 6) PARA O ACCESO ÁS TECNOLOXÍAS DE INFORMACIÓN E DA COMUNICACIÓN (TIC)
  - Dispositivos de entrada ás TIC
  - Dispositivos de saída ás TIC
- 7) PARA PERSOAS CON DISCAPACIDADE AUDITIVA OU PERSOAS CON DISCAPACIDADE VISUAL:
  - Axudas técnicas para comunicación telefónica
  - Avisadores luminosos (reloxos, espertadores, timbres, etc.).
- 8) OUTROS GASTOS DE CONCEPTOS : “Axuda técnica e adecuación funcional de vivenda” que favoreza a accesibilidade e autonomía e propiciar a permanencia a no seu fogar en condicións de seguridade, mellorando a súa calidade de vida así como a do seu contorno familiar, non recollida nesta relación e que precisará da valoración da comisión técnica.

## **ANEXO IV**

### **CRITERIOS DE CONCESIÓN E BAREMO PARA A VALORACIÓN DAS SOLICITUDES DE SUBVENCIÓN DESTINADA Á PROMOCIÓN DA AUTONOMÍA PERSOAL E A ACCESIBILIDADE**

#### 1) Situación económica:

- Rendas per cápita que non superen o 50% do IPREM: 45 puntos.
- Rendas per cápita que non superen o 60 % do IPREM: 35 puntos.
- Rendas per cápita que non superen o 70 % do IPREM: 25 puntos.
- Rendas per cápita que non superen o 80 % do IPREM: 15 puntos.
- Rendas per cápita que non superen o 90 % do IPREM: 5 puntos.
- Rendas per cápita que non superen o 100 % do IPREM: 0 puntos.

#### 2) Características da vivenda e condicións de habitabilidade (de aplicación para as persoas solicitantes de axuda para adaptación funcional do fogar e supresión de barreiras arquitectónicas e de comunicación no interior da vivenda):

- Vivenda en condicións deficientes de habitabilidade por situacións de amoreamento, espazos reducidos, existencia de dispositivos de risco en relación coa saúde e/ou insalubridade: 10 puntos.
- Existencia de barreiras no interior da vivenda que dificulten notablemente o desenvolvemento da vida diaria: 15 puntos.
- Existencia de barreiras de acceso na vivenda: 10 puntos.

#### 3) Recoñecemento da situación de dependencia ou discapacidade:

- Grao III ou 75% ou máis de discapacidade: 45 puntos
- Grao II ou do 50% ata 74% de discapacidade: 25 puntos
- Grao I ou do 33% ata o 49% de discapacidade: 15 puntos

En caso de igualdade de puntuación prevalecerá a persoa solicitante que se atope en maior situación de dependencia e de manterse a igualdade de puntuación, a de menor renda.



**ANEXO V**

**DECLARACIÓN DE AXUDAS**

D/a \_\_\_\_\_, con DNI: \_\_\_\_\_ interesado/a ou representante legal,

**DECLARA QUE**

Non solicitou nin se lle concedeu NINGUNHA prestación de calquera administración pública ou ente público para a mesma finalidade para que a que solicita nesta convocatoria.

Solicitou as prestacións que seguidamente se relacionan, para a mesma finalidade que a que solicita nesta convocatoria.

	DESCRICIÓN	CONTÍA SOLICITADA

Concedéronlle as prestacións que seguidamente se relacionan, para a mesma finalidade que a que solicita nesta convocatoria.

ORGANISMO	DESCRICIÓN	CONTÍA SOLICITADA

RIBEIRA, a \_\_\_\_ de \_\_\_\_\_ de 2026

Asdo. \_\_\_\_\_

A ALCALDESA-PRESIDENTA DO CONCELLO DE RIBEIRA



**Ribeira**  
SERVIZOS SOCIAIS  
COMUNITARIOS

## ANEXO VI

### DECLARACIÓN DE ESTAR AO CORRENTE COAS OBRIGAS TRIBUTARIAS

D<sup>o</sup>/a \_\_\_\_\_, DNI Nº: \_\_,

beneficiario dunha axuda para accesibilidade e promoción da autonomía persoal,

DECLARA: Que está ao corrente das súas obrigas tributarias coa Seguridade Social, Facenda e Xunta de Galicia.

Ribeira, \_\_\_\_\_ de \_\_\_\_\_ 2026

Asdo. \_\_

A ALCALDESA-PRESIDENTA DO CONCELLO DE RIBEIRA